

事纂

卅七之八

内閣文庫		
三三函	一八六〇三	和書類
七架	五六册	

内閣文庫		
三三函	一八六〇三	和書類
七架	五六册	

内閣文庫		
番號	和 18603	
冊數	56 (23)	
函號	210	53



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



5

四

鎮西府

三

三

三

三

三

三

淺葉文庫

事纂卷之三十七

大衛即遊倅

臣淺井奉政撰

官位門十四

鎮西府部

置鎮西府

天平十五年十二月始置筑紫鎮西府以從四位下石川朝臣加美為將軍外從五位下



大伴宿祢百世為副將軍判官二人主典二

人續日
本紀

十六年太政官奏鎮西府將軍准從五位官判官准從六位官主典准從七位官倍給二季祿及月料並留應入京調庸物相折通融隨時便給又特賜公廩田將軍十町副將八町判官六町主典四町奏可之辛酉給鎮西

府印一面

同年九月給鎮西府驛鈴二口

朕之外朝

貞觀十一年十二月勅曰鎮西者是朕之外朝也千里分符一方寄重况復隣國接壤非

常三代
實錄已期

征夷使部

改征東使

延曆十二年改征東使為征夷使庚午征夷

副使近衛少將坂上田村麻呂辭見

日本
記略

歸降不少

弘仁二年冬十月甲戌敕征夷將軍參議正
四位上行大藏卿兼陸奥出羽按察使文室

朝臣綿麻呂等者今月五日奏狀ムラク斬獲稍多
歸降不少將軍之經路士卒之戰功於此而
知矣類聚國史

將軍部

遣于四方

崇神天皇十年七月詔群卿曰導民之本在於教化也今既禮神祇灾害皆耗然遠荒人等猶不受正朔是未習王化耳其選群卿遣于四方令知朕憲九月以大彥命遣北陸武渟川別遣東海吉備津彥遣西道丹波道主

命遣丹波因以詔之曰若有不受教者乃舉
兵伐之既而共授印綬為將軍日本書紀

四道將軍

十年詔羣臣曰今返者悉伏誅畿內無事唯
海外荒俗騷動不止其四道將軍等今忽發
之丙子將軍等共發路十一年四道將軍以
平戎之狀奏焉

美功号名

垂仁天皇命上毛野君遠祖八綱田令擊狹
穗彦時狹穗彦與師距之忽積稻作城其堅
不可破此謂稻城也踰月不降天皇更益軍
衆悉圍其城將軍八綱田放火焚其城時火
興城崩軍衆悉走狹穗彦與妹共死于城中
天皇於是美將軍八綱田之功号其名謂曰

向武向彦八綱田也

勿煩頻奏 恕已治人 民之司命

繼體天皇曰筑紫磐井反掩有西戎之地今誰可將者大伴大連等僉曰正直仁勇通於兵事今無出於麁鹿火右詔曰咨大連惟茲磐井弗卒汝徂征物部麁鹿火大連再拜言嗟夫磐井西戎之奸猾負川阻而不庭憑山峻

而稱亂敗德反道侮慢自賢在昔道臣爰及室屋助帝而罰極民塗炭彼此一時唯天所贊臣恒所重能不恭伐詔曰良將之軍也施恩推惠恕已治人攻如河決戰如風發重詔曰大將民之司命社稷存亡於是乎在勛哉恭行天罰天皇親操斧鉞授大連曰長門以東朕制之筑紫以西汝制之專行賞罰勿煩

頻奏

大將軍物部大連麿鹿火親與賊師磐井交戰於筑紫御井郡旗鼓相望埃塵相接決機兩陣之間不避萬死之地遂斬磐井果定壇場

前後將軍

皇祖母尊崩皇太子

天智素服稱制八月遣前

將軍大華下阿曇比羅夫連小華下河邊百枝臣等後將軍大華下阿倍引田比羅夫臣大山上物部連熊大山上守君大石等救於百濟

鎮東將軍 征夷將軍 因授節刀

和銅二年陸奧越後二國蝦夷野心難馴屢害良民於是遣使徵發遠江駿河甲斐信濃

上野越前越中等國以左大弁正四位下巨
勢朝臣麻呂為陸奥鎮東將軍民部大輔正
五位下佐伯宿祢石湯為征越後蝦夷將軍
內藏頭從五位下紀朝臣諸人為副將軍出
自兩道征伐因授節刀并軍令續日本紀

使使慰問

養老四年六月詔曰蠻夷為害自古有之漢

命五將矯胡臣服周勞再駕荒俗來王今西
隅賊怡亂逆化屢害良民因遣持節將軍正
四位下中納言兼中務卿大伴宿祢旅人誅
罰其罪盡彼巢窟治兵率眾剪掃兇徒首帥
面縛請命下吏寇黨叩頭爭靡敦風然將軍
暴露原野久延旬月時屬盛熱豈無艱苦使
使慰問宜念忠勤

蝦夷反亂

養老四年九月陸奥國奏言蝦夷反亂殺案
察使正五位上上毛野朝臣廣人以播磨案
察使正四位下多治比真人縣守為持節征
夷將軍左京亮從五位下下毛野朝臣石代
為副將軍軍監三人軍曹二人以從五位下
阿倍朝臣駿河為持節鎮狄將軍軍監二人

軍曹二人即日授節刀五年夏四月乙酉征
夷將軍正四位上多治比真人縣守鎮狄將
軍從五位上阿倍朝臣駿河等還歸

兵士耳目

養老五年太政官奏授刀寮及五衛府別設
鉦鼓各一面便作將軍之號合奉政曰合
當作令以
為兵士之耳目節進退動靜奏可之

久將邊要見夷狄門邊要部

在此一舉

延曆七年十二月庚辰征東大將軍紀朝臣古佐美辭見詔召昇殿上賜節刀因賜勅書曰夫擇日拜將良由綸言推轂分閫專任將軍如聞承前別將等不慎軍令匿闕猶多尋其所由方在輕法宜副將軍有犯死罪禁身

奏上軍監以下依法斬決坂東安危在此一舉將軍宜勉之因賜御被二領采帛三十疋

錦奉政曰當作綿三百疋

驍騎將軍見同門近衛部

外武官部

朝服勿著一ノテ

靈龜二年重禁一ノテ内外諸司薄紗朝服六位以下羅幘頭其武官人者朝服之袋儲而勿著及幘頭後脚莫過三寸續日本紀

賜武官酒一ノテ

天平十四年春正月丙辰賜武官酒食仍賚一ノテ

五位以上被主典以上袍帛袴府生已下衛士已上絕綿各有差

都督

天平寶字八年九月以太師正一位藤原惠美朝臣押勝為都督使四畿內三關近江丹波播磨等國習兵事

將之器也

伴宿祢勝雄天長元年任陸奥守兼按察使六年叙從四位下任右近衛少將七年遷任右衛門督兼讚岐權守性識寬簡不許隱密家風清廉秋毫不近出宰戒律□撰禁兵雖乏才學將之器也

類聚國史

未必貴多

凡用兵之道未必貴多苟奮其力一以當千

宜便簡拔近城兵一千人_下和誘其心精練其

武能守衛要以備機急_上實錄_{文德}

[Faint bleed-through text from the reverse side of the page]

衛府部

使部給祿

大寶二年有勅五衛府使部始准兵衛給祿

續日本紀

不虞之備

和銅四年詔曰凡衛士者非常之設不虞之
備必須勇健應堪為兵而悉皆尪弱亦不習

武藝徒有其名而不能為益如臨大事何堪
機要傳不云乎不教人戰是謂棄之自今以
後專委長官簡點勇敢便武之人每代易焉
不得離府

神龜四年參議從三位阿倍朝臣廣庭宣勅
云衛府人等日夜宿衛闕庭不得輒離其府
散使他處因賜五衛府及授刀寮醫師已下

至衛士布人有差

六衛置田

天平寶字元年勅曰治國大綱在文與武廢
一不可言著前經向來旌勅為勸文才隨職
閑要置公田但至備武未有處分今故六衛
置職騎田奉政曰職乃射之誤每年季冬宜試優劣以
給越群令興武藝其中衛府三十町衛門府

左右衛士府左右兵衛府各十町

授刀衛

三年十二月置授刀衛其官負督一人從四位上，官佐一人正五位上，官大尉一人從六位上，官少尉一人正七位上，官大志二人從七位下，官少志二人正八位下，官

外衛府

見同門近衛部

舍人任主政

延曆十四年五月乙亥太政官符應以衛府舍人任主政主張事右被右大臣宣稱奉敕衛府舍人係望軍毅今廢兵士其望已絕若有巧於書算者宜用主政主張

類聚三代格

一年之役

貞觀七年十二月十七日諸衛士仕丁等愁

訴云遠辭鄉國苦役京都唯仰養丁之輸物
以充羈旅之資用而本國司稱依詔復徭養
物之數三分減一然則留國之民既蒙十日
之復上京之丁猶苦一年之役凡在勞逸彼
此不同望請依舊被給太政官處分加增養
丁恒例輸數即下知東海東山北陸山陰南
海道依件行之三代實錄

夜行京内

貞觀九年二月廿七日勅左右近衛左右兵
衛分結四番夜行京内賜左右馬寮未調御
馬而騎焉

每夜巡行

貞觀十八年夏四月廿七日分遣左右近衛
左右兵衛勇幹者騎官馬於東西京中每夜

巡行伺視非常

[Faint bleed-through text from the reverse side of the page]

八省部

大化五年置八省

大化五年詔博士高向玄理與釋僧旻置八

省百官日本書紀

持統天皇四年七月八省百寮皆還任焉

置内豎省

天平神護三年秋七月始置内豎省以正三

位弓削御淨朝臣淨人為卿中納言衛門督
上總守如故從四位上藤原朝臣是公為大
輔左衛士督下總守如故從五位下藤原朝
臣雄依為少輔右衛士督如故從五位下田
口朝臣安麻呂為大丞大丞二員少丞二員
大錄一員少錄三員續日本紀
寶龜三年二月罷內豎署

聽把笏

大同元年冬十月壬申中務治部民部刑部
大藏宮內等六省省掌準式部兵部二省聽
把笏類聚國史

事纂卷之三十八

大衛郎遊倅臣淺井奉政撰

官位門十五

諸臣部

東山都督

景行天皇五十五年以彦狹嶋王拜東山道十五國都督是豐城命之孫也然到春日穴

咋邑卧病而薨是時東國百姓悲其王不至
竊盜王尸葬於上野國日本書紀

孫在東國

五十六年詔御諸別王曰汝父彥狹嶋王不
得向任所而早薨故汝專領東國是以御諸
別王承天皇命且欲成父業則行治之早得
善政時蝦夷騷動即舉兵而擊焉時蝦夷首

師足振邊大羽振邊遠津闇男邊等叩頭而
來之頓首受罪盡獻其地因以免降者而誅
不服是以東國久無事焉由其子孫於今
有東國

海人之宰

應神天皇三年處々海人訕咤不從命則遣
阿曇連祖大濱宿祢平其訕咤因為海人之

宰

共執國事

履中天皇二年都於磐余當是時平群木菟宿祢蘓賀滿智宿祢物部伊呂佛大連圓大使主共執國事

田令

欽明天皇十七年遣蘇我大臣稻日宿祢等

於備前兒嶋郡置屯倉以葛城山田直瑞子為田令

關塞斥候

大化二年詔曰初脩京師置畿内國司郡司關塞斥候防人驛馬傳馬及造鈴契定山河

里坊長

凡京每坊置長一人四坊置令一人掌按檢

戸口督察奸非其坊令取坊内明廉強直堪
時務者宛里坊長並取里坊百姓清正強幹
者宛若當里坊無人聽於比里坊簡用

鈴契

又曰凡給驛馬傳馬依皆鈴傳符尅數奉政
當在凡諸國及關給鈴契並長官執無次官
執

氏上

文武天皇二年以无冠麻績豐足為氏上无
冠大贄為助進廣肆服部連佐射為氏上无
冠功子為助續日本紀

制衣冠司

文武天皇三年始置制衣冠司

大藏賜祿

撰令所處分職事官人賜祿之日五位已下
皆參大藏受其祿若不然者彈正糾察焉

造大幣司

大寶元年始任造大幣司以正五位下
彌努王從五位下引田朝臣介閑為長官

始給儀仗

和銅元年勅太宰府帥大貳并三關及尾張

守等始給儀仗其負帥八人大貳及尾張守
四人三關國守二人其考選事力及公廨田
並准史生

畿外資人

和銅三年制輒取畿外人用帳內資人自今
以去不得更然待官處分而後充之
四年取畿外人充帳內資人始許之

不在選限

四年制帳內資人雖名入式部不在豫選之
限既叙位記者許之職分不在此例唯聽帳
內三分之一資人四分之一其雖叙位逗留
方便違主失禮即追其位還之本貫若得他
處位者不退焉或本主亡者不得豫選皆還
本色但欲廻入者聽以外如令

禁取三關

五年禁取三關人為帳內資人

板屋司

六年板屋司班秩一准寮焉

蓋改法用司
為板屋司也

宜准令負

靈龜三年

改元
養老制

曰除造宮省之外令外諸

司判官例無大少官品宜准令負判官一人

之例

禄從多處

同年制曰依令一人帶數官者禄從多處給
雖高官无上日若滿卑官上日者禄從多處

史生之禄

靈龜三年

改元

制令外諸司史生等一季賜

禄降當司主典禄一等是當少初位官禄自

非才伎別勅一同此例也

位分資人 五位事業

養老三年始以外六位内外初位及勲七等
子年二十以上為位分資人八年一替又五
位已上家補事業防閣伏身自是始矣

罷放鷹司

養老五年詔曰凡膺靈圖君臨宇内仁及勳

植恩蒙羽毛宜其放鷹司鷹狗大膳職鷓鴣
諸國鷄猪悉放本處令遂其性從今而後如
有應須先奏其狀待勅其放鷹司官人并職
長上等且停之所役品部並同公戶

檢事

養老五年八月改攝官記事號為檢事

催造司

神龜元年始置催造司

史生朝服

神龜三年九月令京官史生及坊令始著朝
服把笏

畿內總管

諸道鎮撫

天平三年始置畿內總管諸道鎮撫使以一
品新田部親王為大總管從三位藤原朝臣

宇合為副總管從三位多治比真人縣守為
山陽道鎮撫使從三位藤原朝臣麻呂為山
陰道鎮撫使正四位下大伴宿禰道足為南
海道鎮撫使

癸酉制大總管者帶劔待勅副惣管者與大
惣管同管同判史二人主事四人鎮撫使掌
與惣管同判官一人典一人其抽内外文武

官六位已下解兵術文筆者充仍給大總管
僉仗十人副惣管六人鎮撫使三位隨身四
人四位二人並負持弓箭朝夕祇承隨主願
充令得入考惣管如有緣事入部者聽從騎
兵三十疋其職掌者差發京及畿内兵馬搜
捕結徒集衆樹黨假勢劫奪老少壓略貧賤
是非時政臧否人物邪曲冤枉之事又斷盜

賊妖言自非衛府執持兵刃之類取時巡察
國郡司等治績如得善惡即時奏聞不須連
延日時令會恩赦其有犯罪者先決杖一百
已下然後奏聞但鎮撫使不得差發兵馬
後侍中供奉

五位侍中

天平十三年制令内外從五位已上自今以
授刀舍人

十八年二月改騎舍人為授刀舍人
天平勝寶八歲勅授刀舍人考選賜祿名籍
者悉屬中衛府其人數以四百為限即簡補
但名授刀舍人勿為中衛舍人其中衛舍人
亦以四百為限

改百官名

天平寶字二年高野太上皇從百官所乞号
曰寶字稱德孝謙皇帝詔曰受此推新之号
何無洗舊之令宜改百官之名載施寬大之
澤
天平初改易官号
大保正二位兼中衛大將藤原惠美朝臣押
勝等奉勅改易官号

官名復舊

天平寶字八年九月丙辰勅逆人仲麻呂
曰押勝本名曰仲麻呂押勝謀逆詔
除藤原惠美朝臣姓故其名亦復舊
執政奏
改官名宜復舊焉

放生司

天平寶字八年廢放生司置放生司

法王宮職

天平神護三年三月始置法王宮職奉政曰道鏡禪

師歷大臣至太政大臣遂為法王以造宮卿但馬守從三位

高麗朝臣福信為兼大夫外記遠江守從四

位下高丘富連比良麻呂為兼亮勅旨大丞

從五位上葛井連道依為兼大進少進一人

大屬一人少屬二人

令外之官

神護景雲四年九月壬戌令旨比年令外之

官其負繁夥徒費國用無益公途有官簡務

往聖嘉典除要司外宜悉廢矣

罷平準署

寶龜二年九月乙巳罷左右平準署

罷筑紫營 大津城監

寶龜三年冬十月辛丑罷筑紫營大津城監

京官祿薄

寶龜六年八月大政官奏曰伏奉去七月二十七日勅如聞京官祿薄不免飢寒之苦國司利厚自有衣食之饒因茲庶僚咸望外任多士曾無廉耻朕君臨區寓志在平分思欲割諸國之公廩加在京之俸祿卿等宜詳議奏聞者臣聞三代弛張百王沿革隨時損益

事在利人伏惟陛下仁霑品物德茂群生愍庶僚之飢寒均內外之豐儉損彼有餘補此不足允在勲損莫不霑潤臣等承奉聖旨嘉百恒情奉政曰嘉百未詳臣等商量每國割取公廩四分之一以益在京俸祿奏可

每司省負

寶龜十一年太政官奏稱制令之日限置官

負量才授能職務不滯今官衆事殷而蠶食者多穀帛難生而用之不節一歲不登便有菜色古者人稠田少而有儲蓄由於節用也今者地闢戶減而患不足由於糜費也臣等以為當今之急省官息役上下同心唯農是務特望天恩許之臣等并省官負則倉廩實而禮義行國用足而廉耻興矣伏聽聖裁者

奏可之於是每司并省各有其數事在別式

負外解却

天應元年六月詔曰惟王之置百官也量材授能職有限茲厥後事豫議務稍繁即置負外近古因脩其流蓋廣譬以十年更成九牧民之受弊寔為此焉朕肇膺寶曆君臨區夏言念生民情深撫育思欲除其殘害惠之仁

壽^{ナラフ}宜^{ナラフ}内外文武官負外之任一皆解却但郡
司軍毅不在此限

罷勅旨省
罷法花司

天應二年夏四月詔罷造宮勅旨二省法花
鑄錢兩司以充府庫之寶以崇簡易之化造
宮勅旨雜色匠手隨其才幹隸於木工內藏
等寮餘者各配本司

忠臣 内臣

藤原朝臣魚名寶龜初加正三位拜大納官
尋兼中務卿八年授從二位年已長老次當
輔政拜為内臣未幾有勅改号忠臣

廢置鼓吹
鉦鼓長上

延曆十九年冬十月壬申太政官符應廢置
鼓吹司長上事廢大笛長上一員今置鉦鼓

長上一負右得兵部省解備鼓吹司解備軍
旅之役吹角為本征戰之備鈺鼓為先今有
吹角長上三人曾無鈺鼓之師至於威儀之
日有失進退之節望請鈺鼓長上教習生徒
者右大臣宣奉敕宜廢大笛長上兼預大角
長上更置鈺鼓長上其官位亦同吹角長上
解令集

如狗伏砌

從三位行皇太子傳大伴弟麻呂上表曰臣
如狗伏砌于今三十有餘年云云今年逮八
十進退不便日本
記畧

頻出外任

三緒朝臣大原二品長親王之孫從三位智
努王第九子也頻出外任不被勘解由遂卒

私宅公卿補任

停内豎

大同二年冬十月己巳停内豎隸左右大舍

人寮各一百人類聚國史

省司合吏

大同三年春正月壬寅詔曰觀時改制論代立規往古相沿來今莫革故虞夏分職損益

非同求之變通何常準之有也思欲省司合吏少牧多事致人務於清閒期官僚於簡要減内舍人定四十員其畫工漆部二司併内匠寮隼人司併衛門府贓贖司併刑部省刑部解部宜從省廢鍛冶司併木工寮官奴司併菓餅宜從省廢鍛冶司併木工寮官奴司併主殿寮縫部采女二司併縫殿寮内禮司併

彈正臺、奏儀司、并鼓吹司、内兵庫、并左右兵
庫主者施行

減定諸司

大同三年十二月壬戌、大政官符停止、并減
定諸司等、長上、事圖書寮造紙、長上二員、右
減一員、定一員、造筆、長上造帙、長上右竝停
止、内藏寮典履三員、右減一員、定二員、典革

長上造油、純長上御履、長上造御櫛、長上右
四員、並停止、縫殿寮染師二員、右竝停止、織
部司、挑文師四員、右減二員、定二員、以前被
右大臣、宣稱奉敕件、司等、長上數停止、并減
定如件、永為恒例

復内豎

弘仁二年春正月庚子、制止内舍人一百二

十人復舊名為內豎日本記畧

職掌無闕

八年九月壬寅中納言從三位兼兵部卿藤原朝臣繩主薨參議從三位馬養孫參議從三位太宰帥藏下麻呂子也性雖好酒職掌無闕遺忠內戶親族慕之公卿補任

廉隅不聞

弘仁十二年秋七月乙巳散位正四位下橘

朝臣安麻呂卒頗守禮節竝兼知古事歷職

雖多廉隅不聞類聚國史

減牧監

天長元年八月下符信濃國牧監減一負置

一負天安二年符

甲斐牧監

天長四年冬十月甲辰太政官符置甲斐國
牧監事右得彼國解備此國所領牧與信濃
國同項年蕃息漸多繫飼歲陪牝牡之數于
今十餘而至當監事品秩稍卑按檢馬政於
事無勢望請准信濃國同置牧監謹請官裁
者正三位行中納言兼右近衛大將春宮大
夫良峯朝臣安世宣奉教依請類聚三代格

上行下化

承和七年六月公卿奏曰但君唱臣隨上行
下化古今一揆寧得闕如未有主上憂勤臣
下逸樂者也續日本後紀

正權全給

八年十月制延曆廿三年格權任之人不異
正任年分全給理合一同又弘仁十一年格

備令云諸祿並依日給京官據詔書出日外
官據籤符到給之者今賞之所行理無偏頗
獨給全給事乖通猷宜不論權正據籤符到
給之其間公廨遍共給之

承和十年十一月任校畿内田使

承和十年十一月任校畿内田使以參議從
四位上滋野朝臣貞主為大和長官國守從

四位下紀朝臣長江彈正少弼從五位下丹
墀真人門成為次官參議從四位下安倍朝
臣安仁為河内和泉長官河内守從五位上
清原真人遠賀和泉守外從五位下菅野朝
臣繼門為次官參議從四位上藤原朝臣助
為攝津長官國守從五位下有雄王為次官
參議從四位上正躬王為山城長官國守從四

位下藤原朝臣長岡為次官

成名未及成名

文室助雄字王明少遊大學略涉經史未及

成名出就官途實錄

近江國上請倭夷之徒老少無別放縱為事

暴亂任意不知教喻無人統攝往事國司等

擇勇健者私置其長而夷等不服猶行狼戾

望請置夷外從八位下介散南公澤成即預

把笏仍許之

旬月平理見性行門材能部

擇簡之職

太上天皇語安倍朝臣安仁曰汝宜早掌樞

機之職何久行山院之事承和七年為左大

辨停別當職其後院中庶事不理有勅復為
別當辨官之政拂曉而入安仁退衛之後必
詣嵯峨往還之程原野數里朝廷恤其繁劇
為擇簡之職九年遷大藏卿三代實錄
魏闕之臣

治部卿賀陽親王上表曰况臣多已作魏闕
之臣一旦應為丘園之老

香稚廟司

貞觀六年八月十五日制筑前國香稚廟司
以六年為任限

免補他職

八年正月廿四日制太皇太后皇太后宮舍
人侍職免聽補他職自今已後立為恒例三代

實錄

不泄機事

藤原朝臣良繩字朝台素性寬不好花飭孝
謹天至忠信夙彰惟心奉上不泄機事文德
天皇特見親用寵幸加隆内外之事委決之
領諸國諸院別當之事未嘗有愆失之舉

政理見推

神祇伯從四位下兼行美濃守藤原朝臣良

雅
近容儀可觀風望清美雖無學術以政理見

不登卿相

散位從四位下源朝臣寬質直不肯妄交為
政之道本無留意官率班爵不登卿相自取
之

簡靜自守

前丹波守從五位上坂上大宿禰貞守右京
人好武庫便弓馬無進趣之志以簡靜自守
常平所使

元慶元年春正月廿七日去年亢旱京師及
畿内諸國飢饉河内和泉為尤其公卿會東
西京中置常平司出賣官米亦遣使河内和
泉兩國賑給絕乏戶廿八日以因幡守從五

位下藤原朝臣敏行散位從五位下伴宿禰
春雄從五位下紀朝臣卷雄為賣常平所米
使

鼓吹戶丁

元慶四年八月兵部省言鼓吹戶者調徭雜
役共被免除資和糧食學習鼓角依式部例
點定六十丁若過期者拔補他戶課丁而山

城國司六丁之外加置課丁五六人兼賣却見丁之戶田請依式令行之又吹戶男女老少有數須依數載計帳而山城國司除弃大小口只抄六丁以為一戶請依數令載帳又吹戶計帳者國司與鼓吹司令史已上一人以中戶上戶點定勿充他役山城國吹戶七十五烟也而國司除弃二烟只置七十三烟

內所欠課丁猶多請依式令定七十五烟依舊年計帳返付課丁三十六人太政官處分下知山城國司依請許之

置守韓橘

仁和三年五月十四日始置守韓橘者二人以山城國徭丁充之

情在進取

橘朝臣良基左京人時人以脩良相許但情
在進取不能以退素自守

武埴安彦

古事記說曰崇神天皇之庶兄也日本紀說
云孝元天皇之子崇神天皇之叔父

釋日本紀

轍魚求水

源順狀曰又忝上階須期後賞然而籠鳥思

出豈擇遠近之林轍魚悲枯只求升斗之水

粹文

女官部

堪寒將死

群卿望雄朝津間稚子宿祢皇子即天皇位
皇子辭以篤疾不足以稱明年十有二月妃
忍坂大中姬命苦群臣之憂吟而親執洗手
水進于皇子前仍啓曰大王辭而不即位位
空既經年月群臣百寮愁之不知所為願大

王從群望強即帝位然皇子不欲聽而背居
不言於是大中姬命惶之不知退而侍之經
四五刻當于此時季冬之節風亦烈寒大中
姬所奉鏡水溢而腕凝不堪寒以將死皇子
顧之驚則扶起謂曰嗣位重事不得輒就是
以於今不從然今羣臣之請事理灼然何遂
謝耶爰大中姬命仰歡則謂群卿曰皇子將

聽羣臣之請今當上天皇璽符於是群臣大
喜即日捧天皇之璽符再拜上馬

日本書紀

五位任六

神龜三年制內命婦身帶五位任六位以下
官者自今以後給正六位官祿

續日本紀

量須全結

天平寶字四年十二月勅准令給封戶事女

悉減半者今尚侍尚藏職掌既重宜異諸人
量須全給其位由資人並亦如此

職事季祿

寶龜四年三月勅宮人職事季祿者高官卑
位依官高位卑官依位散事五位已上者給
正六位官祿

祿賜同等

八年九月勅檢天平寶字四年格稱尚侍尚
藏職掌既重宜異諸人全賜封戶者然則官
位祿賜理合同等宜尚侍准尚藏典侍准典
藏

服色禁制

延曆二年正月戊寅朔勅內親王及內外命
婦服色有限不得僭差比來所司寬容曾

不禁制至于閭閻肆塵恣為禁色既無貴賤之殊亦虧等差之序自今以後宜嚴禁斷如有違越寡以常科

責解由狀

承和元年三月丁酉勅女官別當雖非職負所掌之物不異諸司宜准侍從厨四年為限遷代之日責解由狀續日本紀

禁内禮式

尚侍從三位當麻真人浦虫為人貞和早標美譽未嘗適於人遂不知伉儷之道自掌宮人之職能修禁内之禮式三代實錄

權勢之隆

百濟王慶命嵯峨太上天皇納之特蒙優寵動有禮則甚見尊異宮闈之權可謂無比官

為尚侍爵至二位及薨贈一位始太上天皇
遷御嵯峨院之時為築別館令為居所號曰
小院太上天皇所居為大院尚侍所為其次
故也權勢之隆至如此焉 三代實錄

可喚其名

大同二年夏四月癸未敕宮人之職所掌不
輕隨事充用必可喚名今勘于禮家世以上

喚其名然則先朝後宮喚名不便宜停先朝

夫人已下任官者 類聚國史

昇進爵級

十二月辛未公卿奏言謹檢令條尚侍者供
奉掌侍奏請宣傳而祿令準從五位典侍者
若无尚侍代掌宣傳而準從六位掌侍者雖
不得奏請而臨時處分得預宣傳而準從七

位所務是重準位猶卑伏望昇進爵級品秩
相當尚侍準從三位典侍從四位掌侍從五
位許之

上表辭官

元慶四年尚侍源朝臣全姬表曰妾先陳悃
誠請解所職重年遠隔單書難通一二年來
愈增厚顏今妾位崇三品齡迫七旬將假脂

粉以從事紫圍非扶杖之庭欲催綺羅以勤
公丹悃慙懸車之義妾不敢嫌退白日惟明
妾亦無飾詞蒼天在上伏願殊垂降鑑聽妾
誠請避高班於賢路養殘氣於幽閑

粹文

Vertical columns of faint Japanese text, likely bleed-through from the reverse side of the page. The text is arranged in approximately five columns, reading from right to left.

